

SVEČANA CEREMONIJA PUŠTANJA U RAD JEDINSTVENOG SOFTVERA KATASTAR.BA I INTERNET PREZENTACIJE KATASTARSKIH PODATAKA FEDERACIJE BIH



Slika 1: Detalj sa svečane ceremonije (izvor: Klix.ba)

U Sarajevu je 22.07.2013. održana svečana ceremonija na kojoj su premijer Federacije Bosne i Hercegovine Nermin Nikšić i direktor Federalne uprave za geodetske i imovinsko - pravne poslove Željko Obradović pustili u rad katastar.ba, jedinstveni softver za održavanje podataka katastra u FBiH. Tom prilikom je predstavljena internet stranica Federalne uprave za geodetske i imovinsko-pravne poslove na kojoj svi zainteresovani mogu pronaći katastarske podatke o parcelama i stanju posjeda na istim. To su za sada alfanumerički podaci, a najavljeno je da će se do kraja godine na ovaj način moći dobiti i grafički prikazi.

Direktor Obradović i pomoćnik direktora Nedžad Pašalić su prisutne informisali o svim detaljima vezanim za implementaciju softvera, koji je finansiran iz Projekta registracije zemljišta (kreditna sredstva Svjetske banke) i budžetskih sredstava Vlade FBiH, u ukupnom iznosu od 1.250.000 KM. Naglašeno je da su softver izradile firme iz Bosne i Hercegovine - "Gauss" iz Tuzle, "Geometrika" iz Gruda i "Ka-Gis" iz Sarajeva. Katastar.ba je instaliran u 70 općinskih katastarskih ureda Federacije BiH koji su povezani s centralnom bazom katastarskih podataka Federacije BiH, smještenoj u Federalnoj upravi za geodetske i imovinsko-pravne poslove.

Nedim Tuno